

**ХӨДӨЛМӨР, НИЙГМИЙН ХАМГААЛЛЫН САЙД, ЭРҮҮЛ МЭНДИЙН
САЙДЫН ХАМТАРСАН ТУШААЛ**

2021 оны ... дугаар
сарын ...-ны өдөр

Дугаар .../...

Улаанбаатар
хот

**Жишиг үнийн жагсаалт
шинэчлэн батлах тухай**

Нийгмийн даатгалын сангаас олгох үйлдвэрлэлийн осол, мэргэжлээс шалтгаалсан өвчний тэтгэвэр, тэтгэмж, төлбөрийн тухай хуулийн 17 дугаар зүйлийн 2 дахь заалтыг үндэслэн ТУШААХ нь:

1. “Үйлдвэрлэлийн осол, мэргэжлээс шалтгаалсан өвчний даатгалын сангаас даатгуулагчид олгох хиймэл эрхтэн, засал эмчилгээ /протез, ортопед/-ний жишиг үнийн жагсаалт”-ыг шинэчлэн баталсугай.

2. Тушаалын хэрэгжилтэд хяналт тавьж ажиллахыг Хөдөлмөр, нийгмийн хамгааллын яамны Нийгмийн хамгааллын бодлогын хэрэгжилтийг зохицуулах газар /Б.Ундрал/, Эрүүл мэндийн яамны Нийтийн эрүүл мэндийн тусламжийн бодлого, хэрэгжилтийг зохицуулах газар /Л.Энхсайхан/, Нийгмийн даатгалын ерөнхий газар /Д.Зоригт/-т тус тус даалгасугай.

3. Энэхүү тушаал гарсантай холбогдуулан Нийгмийн хамгаалал, хөдөлмөрийн сайд, Эрүүл мэндийн сайдын 2003 оны 5 дугаар сарын 3-ны өдрийн 74/116 дугаар хамтарсан тушаал, 2010 оны 12 дугаар сарын 29-ний өдрийн 168/457 дугаар хамтарсан тушаалыг тус тус хүчингүй болсонд тооцсугай.

4. Энэхүү тушаалыг 2021 оны ... дугаар сарын ...-ны өдрөөс эхлэн дагаж мөрдсүгэй.

**ХӨДӨЛМӨР, НИЙГМИЙН
ХАМГААЛЛЫН САЙД**

ЭРҮҮЛ МЭНДИЙН САЙД

А.АРИУНЗАЯА

С.ЭНХБОЛД

Хөдөлмөр, нийгмийн хамгааллын
сайд, Эрүүл мэндийн сайдын 2021
оны ... дугаар сарын ...-ны өдрийн
.../... дугаар хамтарсан тушаалын
хавсралт

**Үйлдвэрлэлийн осол, мэргэжлээс шалтгаалсан
өвчний улмаас хөдөлмөрийн чадвараа алдсан
даатгуулагчид олгох хиймэл эрхтэн, засал эмчилгээ
/протез, ортопед/-ний жишиг үнийн жагсаалт**

Код	Хиймэл эрхтэн, засал эмчилгээ /протез, ортопед/-ний төрөл	Хэрэглэх заалт	Жишиг үнэ /төгрөгөөр/
01	Гавлын ясны протез	Гэмтлийн шалтгаантай гавал ясны цоорхойг хиймэл ясаар нөхөх	120 000
02	Нүдний хиймэл болор /уян, хатуу/	Гэмтлийн шалтгаантай нүдний болрын гэмтэл	150 000
03	Нулимсны сувгийн протез	Гэмтлийн шалтгаантай нулимсны сувгийн гэмтэл	100 000
04	Сонсголын ясны протез	Гэмтлийн шалтгаантай чамархай ясны гэмтэл	120 000
05	Хамрын ясны протез ПМП-01 /зөөлөн пластик/	Гэмтлийн шалтгаантай хамрын ясны гэмтэл	150 000
06	Шанааны ясны протез	Гэмтлийн шалтгаантай шанаан ясны бяцралт	1200 000
07	Эрүүний ясны протез	Гэмтлийн шалтгаантай эрүүний ясны бяцралт, хугаралт	1100 000
	Гарын протезүүд		
08	Нэг гарын протез	Гэмтлийн шалтгаантай мөрний үений тайралт	1600 000
09	Бугалаганы протез	Гэмтлийн шалтгаантай тохойн үений тайралт	1200 000
10	Бугалаганаас урагш хийгдэх протез	Гэмтлийн шалтгаантай тохойн үений тайралт	1200 000
11	Шуу, сарвууны протез	Гэмтлийн шалтгаантай шууны хэсгийн тайралт	900 000
	Хөлийн протезүүд		
12	Нэг хөлийн протез	Гэмтлийн шалтгаантай түнхний үений тайралт	1400 000
13	Дунд чөмөгний протез	Гэмтлийн шалтгаантай дунд чөмөгний тайралт	1200 000
14	Шилбэний протез	Гэмтлийн шалтгаантай шилбэний ясны тайралт	1100 000
15	Тавхайн протез	Гэмтлийн шалтгаантай шагай тавхайн тайралт	700 000
	Хиймэл үенүүд		
16	Нурууны хиймэл үе	Гэмтлийн шалтгаантай нурууны муруйлт	4500 000
17	Түнхний хиймэл үе	Гэмтлийн шалтгаантай дунд чөмөгний хүзүү, толгойн хугарал, артроз -ил хугарлаас үүссэн үе үүсгэгч яснуудын үрэвсэл	4000 000

		-архаг үрэвслийн улмаас үүссэн контрактур -регидность -Анжелоз /10-15 градус/	
18	Өвдөгний хиймэл үе	Гэмтлийн шалтгаантай II, III, IV зэргийн артроз -үе үүсгэгч яснуудын хиймэл хугарал, -үрэвслийн улмаас үүссэн контрактур, -регидность, - анжелоз /15-30 градус/	5000 000
19	Тохой, шагайн хиймэл үе	Гэмтлийн шалтгаантай II, III, IV зэргийн артроз -үе үүсгэгч яснуудын хиймэл хугарал, -үрэвслийн улмаас үүссэн контрактур, -регидность, - анжелоз	3000 000
20	Хүзүү нурууны ясны металл бэхэлгээ	Гэмтлийн шалтгаантай хүзүү, нурууны гэмтлийн үед	800 000
21	Гэмтэл, түлэгдэлтийн сорви татанхайн үед	Гэмтэл, түлэнхийн шалтгаантай тулгуур, хөдөлгөөний эрхтний хэвийн үйл ажиллагааг алдагдуулсан сорви, татанхай, зөөлөн эдийн дутмагшлын сорвижилтын улмаас сарвуу, хуруу, тавхайн идэвхитэй, идэвхигүй хөдөлгөөн алдагдсан /2-3 балл/	5000 000
22	Гажиг засах бүх төрлийн гутал	Гэмтлийн шалтгаантай тавхайн согог, богиноссон хөлөнд	200 000
	Сонсголын аппарат:		
23	Сонсголын дижитал аппарат /нэг чихний/	Гэмтлийн шалтгаанаар хүлээн авах ба дамжуулах хэлбэрийн сонсгол бууралтын I үе /40-60 дб/ II, III үе /60-80 дб/ IV үе /80 дб-ээс дээш/	280 000
24	Сонсголын дижитал аппарат /хоёр чихний/	Гэмтлийн шалтгаанаар хүлээн авах ба дамжуулах хэлбэрийн сонсгол бууралтын I үе /40-60 дб/ II, III үе /60-80 дб/ IV үе /80 дб-ээс дээш/	1 000 000

**Үйлдвэрлэлийн осол, мэргэжлээс шалтгаалсан
өвчний улмаас хөдөлмөрийн чадвараа алдсан
даатгуулагчид хиймэл эрхтэн, засал эмчилгээ
/протез, ортопед/-ний төлбөр олгох заавар**

Нэг. Нийтлэг үндэслэл

1.1. Нийгмийн даатгалын сангаас олгох үйлдвэрлэлийн осол, мэргэжлээс шалтгаалсан өвчний тэтгэвэр, тэтгэмж, төлбөрийн тухай хуулийн 17 дугаар зүйлийн 1,2 дахь хэсэгт заасан даатгуулагчид Монгол Улсад болон гадаад оронд хийдэг хиймэл эрхтэн, засал эмчилгээ /цаашид “протез, ортопед” гэнэ/-ний төлбөрийг олгоход энэхүү журмыг баримтална.

1.2. Даатгуулагчид протез, ортопедийн төлбөрийг олгохдоо уг протез, ортопедийг хийлгэснийх нь дараа Нийгмийн хамгаалал, хөдөлмөрийн сайд, Эрүүл мэндийн сайдын хамтарсан тушаалаар баталсан жишиг үнийг нөхөн олгоно. Нэхэмжилсэн төлбөрийн дүн, жагсаалтад заагдсан жишиг үнээс бага бол нэхэмжилсэн үнийг, их бол жишиг үнийг баримтална.

1.3. Үйлдвэрлэлийн осол, мэргэжлээс шалтгаалсан өвчний даатгалын сангаас даатгуулагчид зөвхөн протез, ортопедийн төлбөрийг олгох ба түүнийг хийхтэй холбогдсон эмчилгээ, үйлчилгээний зардлаас бусад өөр төрлийн эмчилгээ үйлчилгээний зардлыг олгохгүй.

1.4. Нийгмийн даатгалын хэлтэс нь Үйлдвэрлэлийн осол, мэргэжлээс шалтгаалсан өвчний даатгалын сангаас даатгуулагчид протез, ортопедийн төлбөр олгосон тухай зардлын тайланг хавсралт хүснэгтээр гаргаж, дараагийн улирал бүрийн эхний сарын 5-ны дотор Нийгмийн даатгалын төв байгууллагад ирүүлнэ.

1.5. Энэ журмын хэрэгжилт болон сангийн хөрөнгийг зориулалтын дагуу зарцуулж байгаа байдалд яамдын Хяналт-шинжилгээ, үнэлгээ, дотоод аудитын газар болон Нийгмийн даатгалын ерөнхий газар хяналт тавина.

**Хоёр. Монгол Улсад хийлгэх протез,
ортопедийн төлбөр олгох**

2.1. “Үйлдвэрлэлийн осол, хурц хордлого, мэргэжлээс шалтгаалсан өвчний улмаас хөдөлмөрийн чадвараа 30 ба түүнээс дээш хувиар алдсан даатгуулагчид Монгол Улсад хийлгэх протез, ортопедийн эхний удаагийн үнийг 100 хувь, хоёр дахь удаагийн үнийн 50 хувийг үйлдвэрлэлийн осол, мэргэжлээс шалтгаалсан өвчний даатгалын сангаас олгоно.

2.2. Төлбөр авах даатгуулагч дараах баримт бичгийг бүрдүүлж оршин суугаа газрын харъяа нийгмийн даатгалын хэлтэст өгнө. Үүнд:

2.2.1. Үйлдвэрлэлийн ослыг тогтоосон тухай акт;

2.2.2. Эмнэлэг хөдөлмөрийн магадлах комиссоос даатгуулагчийн хөдөлмөрийн чадвар алдалтын хувь тогтоосон акт;

2.2.3. Даатгуулагчид протез, ортопед хийх талаар мэргэжлийн эмнэлэг /Гэмтэл согог, сэргээн засалтын клиникийн эмнэлгийн эмч нарын зөвлөгөөн/-ийн гаргасан дүгнэлт;

2.2.4. Протез, ортопед хийх эмнэлгийн байгууллага болон протезийн үйлдвэрээс ирүүлсэн төлбөрийн нэхэмжлэл /банк, дансны дугаар, нэхэмжилсэн төлбөрийн дүн төгрөгөөр/.

2.3. Нийгмийн даатгалын хэлтэс даатгуулагчийн материалыг хүлээн авч үндэслэл, бүрдлийг шалгасны дараа тухайн эмнэлгийн байгууллагын нэхэмжлэлийн дагуу протез, ортопедийн төлбөрийг үйлдвэрлэлийн осол, мэргэжлээс шалтгаалсан өвчний даатгалын сангаас бэлэн бусаар шилжүүлнэ.

2.4. Энэ зааврын 2.2-т заасан баримт бичгийг цахимаар бүрдүүлж болно.

Гурав. Гадаад оронд хийлгэх протез, ортопедийн төлбөр олгох

3.1. “Үйлдвэрлэлийн осол, хурц хордлого, мэргэжлээс шалтгаалсан өвчний улмаас хөдөлмөрийн чадвараа 30 ба түүнээс дээш хувиар алдсан, зайлшгүй шаардлагаар мэргэжлийн эмнэлэг /Гэмтэл согог, сэргээн засалтын клиникийн эмнэлэг/-ийн байгууллагын дүгнэлтээр гадаад оронд хийлгэх протез, ортопедийн төлбөрийг даатгуулагчид үйлдвэрлэлийн осол, мэргэжлээс шалтгаалсан өвчний даатгалын сангаас нэг удаа олгоно.

3.2. Гэмтэл согог, сэргээн засалтын клиникийн эмнэлгийн эмч нарын зөвлөгөөн нь даатгуулагчид протез, ортопедийн зайлшгүй гадаад оронд хийлгэх шаардлага, үндэслэлийг тогтоож дүгнэлт гаргах бөгөөд комиссын хурлын протокол, дүгнэлтийг өвчтөний өргөдлийн хамт Эрүүл мэндийн яамны хэрэгжүүлэгч агентлаг Эм, эмнэлгийн хэрэгслийн хяналт, зохицуулалтын газарт ирүүлнэ.

3.3. Эм, эмнэлгийн хэрэгслийн хяналт, зохицуулалтын газар нь мэргэжлийн комиссын дүгнэлт болон холбогдох материалыг судлан танилцаад тухайн даатгуулагчийн протез, ортопедийг хийх гадаад улсын эмнэлгийн байгууллагад уг асуудлыг уламжилж шийдвэрлүүлнэ.

3.4. Эм, эмнэлгийн хэрэгслийн хяналт, зохицуулалтын газар нь өвчтөний үйлдвэрлэлийн осол, мэргэжлээс шалтгаалсан өвчний акт болон тухайн өвчтөнг хүлээн авч протез, ортопед хийх гадаад улсын эмнэлгийн байгууллагаас ирүүлсэн протез, ортопедийн төлбөрийн нэхэмжлэл /банк, дансны дугаар/-ийг бүрдүүлж Нийгмийн даатгалын төв байгууллагад илгээнэ.

3.5. Гадаад оронд хийлгэх протез, ортопедийн төлбөрийг энэхүү журмын 3.4 дахь хэсэгт заасан баримт, материалыг бүрдүүлсний дараа нийгмийн даатгалын төв байгууллагын зөвшөөрлийг үндэслэн тухайн даатгуулагчийн оршин суугаа газрын харьяа нийгмийн даатгалын байгууллага үйлдвэрлэлийн осол, мэргэжлээс шалтгаалсан өвчний даатгалын сангаас тухайн эмнэлгийн байгууллагад нэхэмжлэлийн дагуу жишиг үнийн жагсаалтыг баримтлан бэлэн бусаар шилжүүлнэ.